

欽定剿平三省邪匪方略

正編

五

七

卷之四

四

四



欽定剿平三省邪匪方略正編卷一百二十二

己未年

九月二十一日

丙子

永保奏言查賊匪東奔西竄

本無一定去向現在張逆奔竄之路北通省城

之各峪口必須設法嚴防方不致顧此失彼當

經飛調原在省城南路防守之叅將海洪阿遊

擊張彪各將所帶兵勇分赴大峪子午峪澗峪

田峪黑水峪各緊要隘口斷路挖壕扼險防堵

隨時探聽賊蹤相機截剿杜其北竄之路嗣探  
聞張漢潮折向東南奔竄由鎮安之鐵廠鋪東

奔鳳凰嘴復由鎮安北面之馬房子溝一帶折

向西奔慶成由五郎向西抄截明亮由鎮安向

西追剿恒瑞亦帶兵由洋縣城固一帶抄截前

進臣以賊旣西竄則東西南三面俱有大兵北

面更關緊要查大山岔偏在東北難以兼顧臣



當卽帶兵向西截堵北面之各峪口旋接明亮  
來札以賊匪已向西奔伊所帶官兵距賊三百  
餘里現惟趕緊向西追剿又准咨稱益門鎮斜

峪關一帶關係更要令臣酌派兩司於寶雞一

帶防堵以期夾擊集事臣查兩司無兵可帶兼

之省會無人且臣已向西來卽當親赴斜峪關

一帶督兵嚴密堵截并飭派弁兵鄉勇於麻河



二里關一帶分堵復據探報賊匪由二岔驛竄  
至廢邱關查該處西通楊家店北通唐藏可以  
折出草涼驛此一路係上次賊匪奔竄熟徑

臣

卽督飭弁兵在西北要隘探蹤堵截防其折竄  
嗣賊匪由廢邱關進酒店溝向西南奔逸離斜  
峪關稍遠正擬帶兵前進適接明亮來札以張  
漢潮已過棧道恒瑞趕緊追剿前往明亮由陳

倉溝進剿賊勢非往甘肅徽縣卽向畧陽已札  
致慶成由汜縣畧陽截堵惟以臣所帶兵單不

跡入山追剿可赴大山岔督剿分股賊匪等情

查張漢潮正股賊匪約有七八百人已竄赴甘

省明亮恒瑞慶成俱帶兵往辦該省尙有廣厚

吉蘭泰索費英阿之兵並新調之撒拉爾回兵

一千名約計有一萬官兵足敷剿辦陝省尙有



分股之賊自不便一同前往據報分股賊匪在

五郎鎮安一帶前經派令原任將軍富成副將

馬兆瑞帶兵二千名剿辦近據探報賊匪或五

六百人或三四百人忽分忽合意在牽綴官兵

約計共有千人

臣

刻卽帶領現有之兵一千名

趕赴大山岔一帶探明賊蹤現在何處卽相機

進剿惟有盡力剿辦斷不敢因兵力較單稍存



畏難觀望自干咎戾

永保又奏言竊

臣

接據商南縣知縣錢廷琛稟

報八月二十八日訪有賊匪劉學貴從賊夥潛

入縣境勾結城鄉居民陳翠祿等滋事當卽會

同營員前赴各該處拏獲首逆劉學貴陳翠祿

等六名從犯劉華山等三十四名并起獲違悖

旗幟器械經卷等件訊據劉學貴供稱係江南

太湖縣人在商南居住本年五月被賊裹去跟  
隨張漢潮分股賊目高遇春派當探馬八月初  
二日高遇春向說聞得商南城內糧多只要攻  
破縣城卽可有糧此時賊夥內有四百餘名均  
令回到商南勾結熟識之人入夥俟高遇春一  
到商南就要起事攻城并給發銀兩令置造旗  
幟等件當於初三日夜回到商南勾結熟識之



陳翠祿等又勾引周騰芳等入夥二十八日自

被訪獲等情

臣

以現當賊氛未淨之時賊匪劉

學貴潛從賊夥回至商南勾人滋事實屬不法

已極

臣

駐紮地方距商南較遠不能分身前往

案關重大已飭令臬司台斐音就近馳赴嚴密

查辦此時

盛京官兵已入陝境並諭令該司以照料兵差爲



名馳抵該縣不動聲色安速審訊所有已獲首  
夥各犯審明後卽於該處正法示衆至

盛京官兵現分八起由南陽間日行走恐該兵等  
到陝境後不諳紮營分散居住並密札台斐音  
令其就近知會帶兵大員官兵陸續到商南時  
均指示紮營居住聽候酌調不得少有疎懈再  
該縣審訊劉學貴供內有該犯於八月初二日

在賊夥內起身時賊目高遇春另遣黃金榜至

河南浙川南北鎖地方勾人入夥該犯同黃金

榜分路行走之語

臣

亦已密札吳熊光嚴密查

辦

永保又奏言前次疊奉

諭旨以慶成永保與明亮不和

諄諄訓飭

臣

永保自問並無其事仰維



聖諭或係籠統

告誡無非冀早成功惟查張漢湖賊匪在陝境滋擾

日久

臣

於川省交印後回陝協同明亮辦理正

值賊匪在五郎一帶

臣

卽帶兵由城固洋縣向

五郎迎進途次聞賊匪已過五郎向西竄逸卽

趕緊折回洋縣係由鐵冶河龍虎石迎赴華陽

一帶攔截四月十七日遇見賊匪奔竄前來

臣



所帶兵勇本屬無多但豈有明知賊來轉爲趨

避之理况

臣

係專爲截賊而往又豈有臨時藉

口兵單畏蕙退後之理是以督率現有之兵實

力截堵該匪捨命衝突官兵奮勇剿殺短及相

接官兵不無傷損嗣副將馬兆瑞從旁抄進

始敗退向西北二郎壩竄逸當留馬兆瑞在華

陽打仗地方紮營若果係官兵敗退何以尙能

仍在打仗處所紮營且賊匪豈肯不由華陽龍

虎石鐵冶河一路追趕而出至明亮本係自東

追賊前來於十八日抵華陽並非在廢邱關駐

紮不爲救援

臣

係途中得賊由華陽奔竄之信

當卽迎頭攔截中隔賊衆明亮亦不能知悉

臣

亦不能知明亮由何路追來故不能彼此預爲

知會追賊匪折回二郎壩後

臣

等甫能各通信



息明亮仍跟蹤進剿臣仍帶兵繞前抄至鳳縣

因賊匪狂奔迅速未能抄截其前明亮亦未能  
追及其後於鳳縣彼此會晤各言追截情形均

以斷不能通信之言相告並未爭鬧明亮亦從

無叅臣冒進敗衄之語且明亮因官兵在山中

日久赴寶雞縣收拾鞋脚鞍馬卽在臣營內並

搭帳房同住實無彼此不和之處嗣明亮因續

調陝甘山東之兵到齊帶領先往追剿賊匪

臣

於料理川餉出境後帶兵向東趕赴明亮處會  
同剿辦甫經行過漢中適接松筠六百里札知  
甘肅白號之賊竄至兩當徽縣恐其奔過棧道  
與張逆會合明亮追趕賊匪已至極東雒南縣  
地方相離數百里棧道之賊較近自應先顧其

是以

臣

又帶兵折入棧道截堵旋即接奉



諭旨以<sup>臣</sup>處兵力過單莫若就近先赴松筠一路或

俟慶成到後一同帶兵嗣張漢潮又折向西奔

將近棧道慶成正帶兵前來卽赴棧道堵截<sup>臣</sup>

亦就近與慶成會合帶兵截剿後追賊至子午

峪又同慶成明亮會晤商定分路截剿情形彼

此亦無分爭之事現聞那彥成來陝督辦軍務

不日到陝懇將<sup>臣</sup>此摺發交那彥成詳細查對

軍營千萬人之耳目豈能絲毫掩飾其華陽接  
仗實因兵少未能得利並非敗退亦屬實在情  
形不敢稍爲朦混自取咎戾奏入

上命軍機大臣傳諭那彥成松筠曰本日朕檢閱永  
保從前在湖北軍營緣事罪欵伊於鍾祥滾河地  
方縱賊北竄河南漸次入陝入川而王三槐徐添  
德冉文儔等股賊匪隨後紛紛起事蔓延至今皆



係永保所留遺孽其罪狀已不可勝數適永保報到詳閱伊所奏情節無非推諉卸罪巧言狡辯不過借防堵北面以爲避賊之計而所稱接到明亮來札以永保所帶兵單不必入山追剿囑其赴大山岔督令官兵剿辦分股賊匪一節尤堪駭異本月初九日明亮叅奏永保於八月初九日駐紮大山岔至今未動自以永保頓兵不進株守該處一

月置賊於不問爲永保之罪及永保甫從大山岔  
移赴斜峪關何以明亮又札令仍回大山岔駐紮  
殊出情理之外明亮此札若在叅奏永保之前則  
係有心傾陷永保若在叅奏之後則明係因永保  
已經移營又知那彥成將到陝境恐其查出永保  
已離大山岔顯伊前此叅奏之不確故復札知永  
保令仍回住原處以實其言是必欲置永保於死



地矣况明亮九月十五日奏到祇稱札知慶成並

會同恒瑞分路剿辦未經提及永保一字何以有

私令永保回駐大山岔之札明亮此札如果屬實

則明亮之罪亦難輕恕竟當革職拏問一併究擬

但伊二人嫌怨已深彼此傾害何所不爲或永保

因那彥成到陝必係查辦伊欵蹟故捏造此札以

爲卸罪地步並自知罪重欲拚命抵賴與明亮同

死亦未可定總之此札若係明亮欲傾陷永保以  
實已言則永保前此株守一月之罪自在而明亮  
之居心險詐更不可問亦當將明亮按律定罪若  
竟出於永保捏造之爲則永保尤罪不容誅矣著  
將永保原摺發交那彥成松筠詳細閱看先將指  
出情節密加訪察軍營耳目甚衆斷難隱飾再將  
伊二人隔別詢問向永保追出明亮原札查對月



曰係在參奏之前抑在參奏之後此札係明亮親

自書寫抑係令人代寫若係永保誣造亦須究明

係永保自行書寫抑係倩人代寫必需伊二人當

面供認明白孰虛孰實方可定罪此一節關係二

人罪名死生那彥成松筠不可不詳細研鞫情真

罪當以服伊二人之心至永保另摺稱疊奉諭旨

與明亮不和自問並無其事或聖諭籠統告誡更

不成話朕於軍營奏報無不詳細指示卽承保與  
明亮不和旣特降諭旨指名訓示承保輒敢以籠  
統二字在朕前狡辯殊爲膽大並當嚴行詰訊其  
所稱前此華陽打仗並非敗退馬兆瑞僅係從旁  
抄進明亮並非在廢邱關駐紮不爲救援亦未與  
明亮爭鬪各情節著那彥成松筠按照原摺逐一  
訊問馬兆瑞等並遵照節降諭旨卽行嚴審定擬



具奏再前此明亮亦經自奏隔賊匪二百餘里今  
永保摺內又稱明亮離賊三百里外亦應確查地  
名里數一併具奏

上又命軍機大臣傳諭吳熊光曰永保奏拏獲潛赴  
商南勾結賊匪劉學貴一犯訊據供稱於八月初  
二日在賊夥內起身時賊目高遇春另遣黃金榜  
到河南浙川南北鎖地方勾結入夥已密札吳熊

光查辦浙川地方向係邪教出沒之所今黃金榜到彼勾結恐該處匪徒被誘入夥滋事關係非小吳熊光接到陝省咨會自己密委幹員前赴浙川查辦此時賊匪黃金榜或尙在該縣潛匿或已竄往他處務須不動聲色嚴密查訪將首夥各犯一併拏獲按律嚴辦

上又命軍機大臣傳諭台斐音曰永保奏接據商南



縣錢廷琛稟報訪有賊匪劉學貴從賊夥潛入縣

境勾結城鄉居民陳翠祿等滋事當將該犯等拏

獲飭令臬司台斐音馳赴商南查辦陝省現當剿

捕賊匪喫緊之時劉學貴膽敢聽從張漢潮分股

賊目高遇春潛回商南勾結滋事實屬不法已極

台斐音現已馳赴該處務須不動聲色密速審訊

將已獲首夥各犯審明後卽一面具奏一面嚴辦

並將賊目高遇春及勾結之犯按名拏獲淨絕根

株

二十二日丁丑明亮恒瑞與肇奏言查張漢潮大

股賊衆經官兵在西义河剿敗後直竄過拋沙

河杪羅樹向西逃竄臣等議定恒瑞暫在東面

防其折回明亮與肇統領官兵由紙坊鎮倍道

星馳行抵石家關據兵勇報稱張逆欲竄至西



和禮縣境內滋擾臣等知兩縣兵守空虛卽兼

程抄截馳抵青草峽扼其西竄之路賊匪離青

草峽三十餘里探有官兵堵截卽折回欲從石

家關竄回成縣等處臣一面飛行知會恒瑞確

探堵剿一面札飭臬司廣厚擇要防堵派都司

朱廷舉帶領甘涼官兵二百餘名扼住關口該

逆到關見有官兵堵禦復折入石峽子逃竄臣

卽派愛星阿富蘭等帶領索倫馬步官兵一千

餘名由石峽子追剿復派游棟雲羅全亮等帶

領陝甘官兵三百餘名在野雞溝口埋伏臣明

亮興肇督率官兵一千餘名由雪水河截剿適

張逆竄至野雞溝經游棟雲羅全亮等伏兵突

出截殺殲斃百餘名該逆等翻山由老林遁至

雪水河臣明亮督催索倫馬隊沿河截殺並與



興肇率領荊州滿兵從山梁下壓愛星阿富蘭  
等帶兵從峽內緊躡前來三路合力追殺六十  
餘里翻越大山兩重斃賊三百餘名生擒徐貴  
等五十四名訊據活賊李在爵供稱張漢潮與  
冉學勝商定原要渡過洮河由階岷一帶往川  
省逃竄因水深不能淌渡後有官兵緊追卽繞  
山折回石家關不想遇見官兵忙向石峽子潛

逃此處路徑窄狹人馬難行計算官兵趕來我

等已竄過雪水河可以直奔西和禮縣擄掠人

馬不料又被官兵截殺今張漢潮見矛手不能

打仗數日來投河自縊之人不少已向衆人說

我罪重斷無生理爾等可各尋生路衆人尙在

害怕疑惑張逆就由上牛巷翻山向秦州回窺

只向無兵有食處奔逃無一定主意餘無要供



當將該犯等立行斬梟次日臣等細問土民卽

由上牛巷老林捷徑前進行抵花橋探知賊匪

在黑峪河淡家店一帶屯紮離臣行營約四十

餘里臣分撥官兵四鼓進發黎明趕至該處賊

匪連日奔逃困乏大半酣睡臣等馬步官兵一

擁而進賊匪猝不及防被兵勇在屋內殺傷二

百餘名竄出四散者被馬兵射殺百餘名臣嚴

飭各官兵如致首逆遠颺定按軍法從事衆官

兵儘力剿殺趕上大山密箐現又分派帶兵各

員率領官兵直上大山緊追並繞至祁家壩溝

嚴堵臣明亮與肇督兵在天賜山堵截將大山

三面要隘圍住惟東南陡壁懸崖不但驟馬難

行卽隻身亦難舉步賊匪被剿情急滾崖落澗

屍橫坡麓生擒彭玉等八十三名並奪獲大小



旗幟騾馬刀矛無數訊據彭玉等供稱張漢潮  
因陝省到處有兵思欲到甘省乘間竄往四川  
再覓夥伴因洮河水大不能渡過又被官兵連  
次截殺千餘人今祇剩五六百人騾馬都已失  
傷今日騎一青騾入老林逃竄臣將從賊日久  
者概予駢誅其餘男婦三十七名口交糧員張  
約分別辦理此時二路官兵圍住大山並另派

多爾濟扎普等由林箐內緊躡窮追該逆不從  
三路折出則向黃渚關逃竄恒瑞業已探知賊  
信督同總兵觀祥在該處堵剿並令總兵索費  
英阿馳至臬司廣厚處在北面相機剿辦似此  
齊心圍剿張逆實在計窮力盡斷不能再稽顯  
戮奏入

上命軍機大臣傳諭明亮曰張漢潮大股賊匪經明



亮等分兵堵剿在石峽子雪水河地方合力追殺

六十餘里先後斃賊千餘所剩餘匪無幾深爲可

嘉現在明亮等三路官兵圍住大山另派多爾濟

扎普等由林箐內緊躡窮追恒瑞在黃渚關堵截

並令廣厚在北面相機剿辦似此大兵雲集看來

張逆斷不能再稽顯戮不過數日內即可剿除淨

盡盼望捷音踵至明亮於辦竣張逆一股後卽當

將冉學勝等餘匪速行剿辦務期悉數殲除勿留

萌蘖

上又命軍機大臣傳諭那彥成曰明亮奏張漢潮大股賊衆經官兵在石峽子雪水河等處痛加殲戮斃賊千餘所剩無幾惟向無兵有食處所逃竄看來張逆一股已計窮力盡現在明亮等分兵三路圍住大山併令阿瑞廣厚等分投堵截似此合力



圍剿諒不過數日內即可辦竣那彥成到陝後如

張逆一股已經明亮剿淨那彥成自不必再赴明

亮一路協剿卽當會同松筠將永保慶成遲延貽

悞各款遵照節降諭旨嚴行審訊按律定擬具奏

計審案辦竣盛京吉林官兵亦可到齊那彥成卽

當帶生力新兵前赴陝省東南將倭什布德楞泰

等逼剿回陝之辛聰張添倫及在平利奔竄之高

家營各股賊匪率同慶溥溫承惠與德楞泰等併

刀合擊以期廓清陝楚邊境那彥成侯辛聰等股

辦完具摺奏到後再聽進止彼時盛京吉林官兵

如額勒登保需用即可就近調往川省亦更得力

也

同日高杞奏言

臣

連日率同署鹽道張道源知

府張瑤等將調來本省各營馬一千六百匹統



行解豫並擬發鍋帳六百副同軍火各項於本

月初七日起由襄陽分起委員解赴南陽咨明

吳熊光轉飭酌發應付仍歸楚省作正開銷其

馬匹俟吳熊光咨會撥用數日再飭司發價分

赴鄰省買補備用日下連接探報張漢潮一股

賊匪現向陝西五郎一路奔竄明亮等緊躡追

剿賊勢倍形窮感今得此勁旅馳往合擊截其

折竄之路豫省地方自可不虞闖入至辛聰張

添倫等股賊匪復經德楞泰倭什布督兵痛殲

該逆等率同敗殘餘黨翻山越嶺由房竹至風

溪鍋邊河竄往陝省德楞泰隨即躡剿出境并

接倭什布咨會楚省全境廓清即宜兩處添派

晉省官兵協同堵截更爲嚴密所有此次賊擾

之區多在山僻州縣避難民人現俱復業

臣等



上飭令各該管地方官加意緩輯間有房屋被焚  
口食不繼者照例撫卹俾免失所其襄陽一帶  
前此悔罪投誠之人久經臣等飭令地方各官  
諄切勸化咸知守法安分加以本年收成豐稔  
衣食有資體察民情甚爲寧貼奏入

上命軍機大臣傳諭倭什布高杞曰此次高杞將襄  
陽預備軍需各項解交南陽就近支放其所調各

營馬匹統行解豫所辦俱好此項軍需著在其仍  
歸楚省咨部作正開銷至復業難民該撫已飭令  
該管地方官加意撫卹自可無虞失所惟摺內稱  
據倭什布知會楚省全境廓清卽宜兩處添派晉  
省官兵協同堵截此則倭什布辦理錯悞前因李  
淑宋慶子等四股賊匪先後闖入楚境恐該省兵  
力不敷堵剿是以令晉兵二千名前赴湖北以資



調派現在各股賊匪俱經分竄川陝地方楚省不

過防堵事宜何必復留晉兵爲楚省守卡閒住此

時德楞泰已趕赴平利一帶追剿辛聰張姓一股

正資兵力倭什布接奉此旨卽將所留晉兵二千

名令其全數速赴德楞泰軍營不可稍有遲緩如

此項晉兵本有山西派來管帶大員足資彈壓仍

交該員帶往若無原派大員或雖有而不能得力

著倭什布於楚省大員內酌派一二員帶往面交  
德楞泰收領後再令該員回楚至湖北各營兵丁  
亦並未調派他省所有各卡隘地方該省官兵足  
敷派撥防堵倭什布惟當實力督率嚴密守禦不  
得仍前疎懈致任賊匪復行折回楚省一誤豈容  
再誤倭什布不可不倍加奮勉也

二十三日

戊寅

魁倫奏言據七十五等咨報李淑



徐添德等股賊匪由楚省折回川境向夔州之

七里壩一路奔竄約有五六千人經七十五朱

射斗帶兵於八月二十七日在大壩河地方接

仗殺賊三百餘人搶獲騾馬鎗矛旗幟甚多生

擒陳文科等二十四名並賊目李士貴一名據

供李淑已在龍船壩地方病死屍身業經焚化

餘匪由香坪桂壩一路竄逃七十五等卽帶兵

追躡前進並據夔州府言朝標等稟報審訊李  
士貴係徐添德師弟現在徐添德股內僞元帥  
張允受卽係李士貴之徒帶有戰手千餘名該  
犯情願寫信招令出投已經該府縣將李士貴  
派員仍解七十五軍營相機辦理臣思李淑爲  
楚省起事著名首逆其是否病死雖據李士貴  
一面之詞而核之王凱德英額等稟報均稱李



淑已死所供似非虛妄此股賊匪現有七十五

朱射斗兩路兵勇八千餘名足敷剿辦且有李

士貴寫信招撫之事七十五如果妥爲籌辦正

可望其剿撫兼施迅速撲滅至額勒登保自前

月二十九日在廣元縣屬之圓壩子一帶遇見

楊開甲一股大獲勝仗恐其與藍號張世龍等

勾合竄入陝境卽分兵由毛壩神宣驛等處追

擊截其北竄之路至臣前奉

諭旨飭令剿辦王登廷一股正可及時奮勉殺賊立功惟查勒保一路官兵業經派令百祥帶往護送經畧印信前赴額勒登保軍營刻下達州所存俱係養傷養病之兵難以出敵其應由何路酌量分撥已飛咨額勒登保商辦且王登廷一股之賊有稱在鮮大川夥內者有稱竄入西鄉



邊界者並無實在下落查達州附近四五百里

之內均無賊匪卽許文謨等所剿之虔元張金

魁等股已逼入通江之竹峪關相距亦遠臣俟

額勒登保覆信到日指派何路官兵交臣管帶

當察看何路緊要卽行盡力剿辦再臣抵達州

大營後遵

旨將勒保革職拏問嚴行審訊并將

欽頒經畧大臣印信一顆摘取封固派委總兵百祥

等帶領官兵一千六百餘員名護送前往並令

侍衛安福色玉慎傳陞等三人一併探赴額勒

登保軍營齎交接受至護軍統領春寧一員前

經暫留廣元彈壓現在達州並無大員可以委

令接替

臣

已咨明額勒登保就近派員前往替

換或卽令春寧帶兵在彼堵防應由經畧酌量



調度查達州大營之兵實存二千六百餘名內

尚有二千餘名養病未愈者臣親加點驗察其

患病稍輕易於痊可者仍著留營聽用如實係

老羸疲病卽遣發各回本營以恤兵力而節糜

費奏入

上命軍機大臣傳諭魁倫曰此次七十五等截剿楚

省竄匪訊據獲犯李士貴供稱李淑已在龍船壩

地方病死屍身業經焚化此事昨經倭什布奏知  
據云屍身已經焚燬無憑確查今川省所訊該犯  
供詞情節相同自非虛妄李淑本係賊匪中一大  
頭目前此會有李全其人後又查無下落或李淑  
卽係李全亦未可定今窮竄身死亦可少一爲首  
之犯而徐添德輾轉奔逃勢已窮蹙剿捕自己得  
力其李士貴旣供認係徐添德之徒情願寫信招



令徐添德夥黨出投現已解往七十五軍營相機  
辦理所辦亦是如果能招致匪黨令其自相解散  
亦剿撫兼施之一法至魁倫以前奉諭旨令其剿  
辦王登廷一股惟因達州存營兵少已咨商額勒  
登保酌量另派官兵到日再行帶領剿賊一節前  
因楚北賊匪竄入二竹有須額勒登保赴楚協剿  
是以令將王登廷一股交魁倫接辦今楚省賊氛

已淨其王登廷一股業經額勒登保屢加剿殺無  
難卽就殲除魁倫惟當以審辦勒保福寧之案爲  
重魁倫本係四川總督軍需等項皆其專責且勒  
保福寧二人於支用餉項種種任意浮濫積弊已  
深魁倫遵照節降諭旨卽行嚴切查辦計廣興不  
日亦可到彼務須會同研究據實核辦定擬具奏

二十四日

已

倭什布奏言據竹山縣稟報高均



德一股賊匪前由銅錢關折回陝省白河縣境  
內茲復竄至竹山邊界之聖母山屯紮查竹山  
北界與白河毗連現未設有兵卡誠恐賊匪乘  
間闌入當卽飛飭總兵路超吉督率兵勇就近  
馳赴截剿臣親率官兵兼程前來策應茲行抵  
竹山據路超吉稟稱賊匪於初四五等日竄至  
周家灣等處該鎮帶兵迎擊遇見騎馬賊百餘

名正在該處放火當卽督令兵勇直前圍捕殺  
賊二十三名生擒姚廷貴等三名餘賊向吳家

嶺奔逃官兵向前追殺詎大隊賊衆由廖家嶺  
突出分股迎撲兵勇俟其逼近鎗礮齊發斃賊  
三十餘名賊亦放鎗抵拒相持兩時之久賊始  
退去官兵乘勝追擊沿途又殺賊七十餘名生  
擒張得功等九名餘賊分爲兩股由千家坪等



處竄入陝省平利境內所獲各犯俱供認從逆

已久當卽正法

臣

隨飭令路超吉將所帶兵勇

暫留該處駐紮以防折竄

臣

仍赴竹谿週歷各

邊界相度形勢酌量分兵堵禦再各股賊匪接

續入楚擾及竹谿竹山房縣保康南漳東湖興

山歸州巴東九州縣經過地方俱在深山幽谷

之中

臣

沿途察看被難民戶於賊匪竄過後卽

攜老扶幼紛紛歸業所幸本年年穀豐稔民力  
尙可支持惟房屋多被燒燬蓋藏亦間有被掠  
者現在分飭該州縣迅速按戶確查分別照例  
撫卹

倭什布又奏言查川省賊匪股數不一而蹤跡  
又飄忽無常是以一遇聞入猝不能知其何股  
何人卽拏獲散賊訊問亦止知管帶賊目姓名



不能確知首逆名姓或有僅知首逆之姓而不能

知名字者亦有知本股首逆名姓而不知合夥

之賊姓字者供報亦難定準前次李淑徐添德

宋歷子三股由川入楚因節次擒獲賊目供証

相符始知該三逆實在姓名近因抄截李淑等

股移師赴東節據房竹一帶文武稟報復有樊

姓高姓辛姓張姓等股接續竄入均不知名字

是否卽係樊人傑高均德等爾時臣相距房竹

已遠實未得其詳晰至德楞泰帶兵入楚將房

竹一帶屯聚賊匪剿逐回川並據擒獲首逆張

世達供明該處一帶之賊係樊人傑劉維杞龔

建及該犯四人爲首其辛聰等一股前由房縣

典山窺至東湖經副將孫清元等節次截殺并

擒獲賊目張克成等供明此股首逆係辛聰張



添倫顏中考陳光俊四人現經臣與德楞泰剿

逐入陝至高均德先未入楚日前有一股賊匪

自稱高家營由陝西平利縣竄至竹谿河邊界

經路超吉帶兵截剿該匪卽由銅錢關竄入陝

省洵陽白河境內近復由白河折竄竹山聖母

山又經路超吉督兵截殺現由千家坪等處仍

回平利此股係高均德無疑再李淑徐添德宋

卷之三十三 牙國不學五初卷之三十三  
三三  
魔子等股經臣與孫清元前在北峯寺歇馬河

一帶剿敗後李淑徐添德先於八月十二日由

巴東窺回川省巫山境內商留宋魔子一股潛

匿房縣冷盤堽山內以爲抄截官兵後路暗圖

牽制之計其時臣直向興山追剿行至三岔口

適遇宋魔子一股由冷盤堽張風堽奔突而來

約計人數實有二千以外當令官兵紮住開放



鎗礮打死騎馬賊探二名賊忽折而西去臣隨

帶領兵勇緊躡追剿趕至界牌嶺地方賊從西

面小路奔竄適德楞泰前隊官兵趕到臣因急

切追剿李淑等股遂將宋慶子交與專辦經德

楞泰追至風玉坪等處殺斃賊匪四五百名生

擒三百三十九名沿途滾巖溺河身死者二三

百人乘間逃散者亦復不少餘匪止剩數百人

現與辛聰等合夥逃入陝省平利縣境再查襄

陽鎮總兵路超吉於嘉慶二年到任卽派赴竹

谿防守邊界

臣

察看該鎮雖年近七旬而於防

堵事宜尙屬勤勉且駐守邊界已久熟悉道里

情形若一易生手轉恐不能周到因該鎮追剿

高逆一股賊匪墮馬跌傷右腿不能乘騎所有

襄陽鎮總兵員缺應請



青簡員補放其路超吉一員仍請暫留楚省幫同籌  
辦俟新任之員諸事熟悉再令路超吉回籍休  
致奏入

上命軍機大臣傳諭倭什布日前據倭什布奏各股  
賊匪分竄川省邊境湖北界內俱已肅清何以又  
有高均德一股從陝省白河竄至竹山地方自因  
陝楚毗連之處大山重疊有東面屬楚西面卽屬

陝者一經慶溥溫承惠在平利截剿而賊匪卽翻

越至楚該督飛飭路超吉督率兵勇立時擊退仍

折竄平利尙非倭什布防堵不嚴之咎但嗣後總

當實力守禦不可再令折回楚省堵截既嚴則慶

溥溫承惠在平利迎擊更爲得力否則賊匪往來

奔竄出此入彼何時始能擒獲淨盡耶至孫清元

孫安徽副將在楚帶兵尙屬奮勉前經賞給總兵



職銜今已降旨陞補襄陽鎮總兵在本省領兵剿  
賊更屬有益

上諭內閣曰總兵路超吉因墮馬跌傷著卽回籍調  
理所遺襄陽鎮總兵員缺著孫清元補授

此圖係...

此圖係...

此圖係...

此圖係...

此圖係...

此圖係...

此圖係...

此圖係...

此圖係...

此圖係...



欽定剿平三省邪匪方略正編卷一百二十三

己未年

九月二十五日

庚辰

額勒登保奏言竊

臣

督兵由

水磨河野人村一帶探剿阮正澆股匪十二日

晚間兵抵地龍灣偵知賊匪竄至雲霧山相距

不遠當於三更時率領總兵楊遇春侍衛噶達

鼐等帶兵由柳家山正路進剿派令副都統銜

格布舍總兵銜穆克登布等帶兵由補子壩旁

路進發天明馳抵雲霧山賊匪知有兵來竟敢

於深林中設伏迎拒我兵奮力直前鎗箭齊發

賊匪登時潰敗臣帶兵直由山上追下雲霧壩

賊復回身抵拒適穆克登布等一路官兵亦由

尹家灣繞出雲霧壩併力掩殺賊匪亡命而逃

官兵追下石阡河直至三家壩沿途五六十里

間除滾崖跌斃及棄械逃散者不計外殺賊約



有五百餘人生擒三百六十餘人餘賊分爲數

股俱向陡山密林中竄去臣復派官兵乘勝追

逐由鐵釘山至長池老均山一帶斬戮百餘人

并於附近林箐中搜捕男婦數十人時已昏暮

卽在老均山紮營將獲賊逐一訊問並詰以阮

正濠下落有該首逆徒弟翟士連及僞先鋒劉

侯宗等供稱官兵趕抵鐵釘山時親見阮正濠

身受箭傷又被官兵矛戳墮崖臣於次日早間

派令將備等於鐵釘山崖下尋獲該逆屍身與

翟士連等所供年貌衣服無異又令所獲衆賊

隔別指認僉稱實是阮元帥并驗得身受箭傷

一處矛傷二處委係接仗時受傷被我兵戳斃

無疑查阮正濬一股共有二千餘人係襄樊首

先起事之犯於川陝地界滋擾日久實屬罪大



惡極令仰仗

天威一鼓殲除亦足快人心而彰

國憲再查前在西鄉九正壩痛剿齊家營賊匪曾

有逸出宋永富等三四百人亦於九月初間逃

來水磨壩與阮逆合夥

臣此次獲犯內供認爲

齊家營賊匪者共有一百二十餘人此外殲斃  
者自屬不少合之阮正澐餘賊竄去者共不過

五六百人若不趕緊殲除又必尋找他股合夥  
現仍確探蹤跡撥兵剿捕阮正澆屍身當卽支  
解將首級傳示寨落民人無不歡悅所獲賊犯  
內除翟士連劉侯宗二犯寸磔外凡訊係真正  
教匪及從逆日久者概行正法如實係被脅民  
人均酌量釋放回籍

額勒登保又奏言查李淑徐添德經官兵於楚



境剿潰折回巫山其勢較之入楚時自己殘敗  
辛聰張姓兩逆經德楞泰等多兵擊截必仍折

回川境德楞泰自亦帶兵入川併力剿辦且聞

總兵朱射斗德英額等兩路官兵在夔巫一帶

迎截李淑徐添德較他逆雖爲兇悍料德楞泰

等必能辦淨至川北賊匪實非止王登廷一股

邇江南江境內尙有冉添元鮮大川苟文明等

逆游奕雖均係臣剿潰之賊但或分或合近日

察其蹤跡俱有北竄之勢幸臣連日帶兵由廣

元邊界兜剿前進各匪聞風震懾俱各折回且

近日探聞總兵許文謨所剿度姓張金魁二逆

以及提督七十五剿敗之樊人傑一股俱竄至

太平通江巴州地界此皆川東之賊漸入川北

者目下川北賊勢實重於川東川東辦賊官兵



實多於川北臣未便再往川東以致川北賊匪

蔓延他竄臣向來辦賊祇係一路偏師凡各股

賊匪情形及各路兵數究未能周知詳悉茲奉

恩命授爲經畧大臣自當查明各路實情通籌軍務

全局孰急孰緩妥爲趕辦約計魁倫日內亦到

達州亟須酌派鎮將協同剿賊臣所帶鎮將無

多亦須於各路中熟籌知兵勇幹之人量爲調

撥現已知會魁倫將應行查詢事件於數日內

辦竣速赴巴州

臣

一面將現帶兵勇五千餘名

內撥出滿漢官兵三千餘名派交副都統阿哈

保等帶領在廣南一帶剿辦附近賊匪並遏各

匪北竄之路一面帶兵一千餘名趕往巴州與

魁倫面籌一切俟會晤魁倫酌定川東川北情

形何路緊要卽親自分路前進不敢少事拘泥



再聞許又謨一路所帶兵丁尙須整頓臣到巴  
州後亦當妥爲齊集酌派將領分別管帶務令  
實力剿除上紓

宸厪奏入

上命軍機大臣傳諭額勒登保日阮正溼股匪竄至  
雲霧山經官兵直前進擊痛加殲戮首逆阮正溼  
身受箭傷被我兵用矛戳斃該逆係襄樊首先起

事之犯竄擾日久今額勒登保甫授經畧卽能將  
首逆殲蕞深爲可嘉足徵事機順利額勒登保著  
補授正白旗漢軍都統仍賞給玉搬指白玉牌大  
小荷包以示嘉獎並另發搬指搬指套各十件交  
額勒登保分賞各路軍營打仗出力員弁俾益加  
鼓勵其所奏籌度情形以目下川北賊勢重於川  
東而川東辦賊官兵多於川北不復再往川東惟



查明各路實情妥爲趕辦所見甚是至所稱知會  
魁倫令於查詢事件辦竣後速赴巴州額勒登保  
亦酌帶官兵馳往該處與魁倫面籌一切此則不  
必魁倫現在查辦勒保福寧濫用軍需之案且伊  
係四川總督糧餉一切皆其專責本難帶兵往來  
剿賊而於該處賊情道路險要亦不若額勒登保  
之素爲諳悉自無庸令其前赴巴州卽有應行籌

辦之事不妨彼此札商於地方軍情均可不誤額  
勒登保惟當確探賊蹤何路緊要卽督率官兵奮  
力進擊務於年內歲功用副委任

同日松筠奏言據商南縣知縣錢廷琛稟稱訪  
有賊匪劉學貴從賊營潛入縣境勾結民人陳  
翠祿等謀爲不軌八月二十八日會同把總李

茂率領典史王世鎰帶領丁役密赴馬構溝拏



獲首犯劉學貴訊出該犯充當賊匪張漢潮營  
內探馬及勾結陳翠祿等入夥謀逆情事隨按  
名分路緝拏陳翠祿等三十九人並起出大小  
旗幟九十五面及器械逆書等物臣以案關重

大未便延緩按察使台斐音聞信業已馳赴該

縣臣卽飛飭該司嚴密訊究按律定擬馳奏至

張漢潮分出兩股賊匪現在鎮安五郎一帶出

沒老林經明亮等派富成及副將馬兆瑞帶兵

剿辦人數無多臣現札催趕緊設法剿捕毋令

蔓延再前次部撥餉銀一百五十萬兩除歸還

司庫借項銀六十六萬兩外祇餘八十三萬餘

兩迄今一切軍需共支銀八十八萬餘兩實又

借動司庫地丁銀五萬兩有奇現在陝境各路

官兵統計已有數萬



盛京吉林兵丁又全數至陝撒拉爾回兵亦指日

可到一切鹽糧衣履騎馬馱騾軍裝軍火并臺  
站運脚及鄉勇口食等項在在需銀支發至被  
賊州縣難民擇其情形較急者先爲接濟而撫  
卹房價及折色口糧等項不容緩待惟有仰懇

鴻慈勅部動撥銀二百萬兩迅速解陝以資接濟但

京餉抵陝尙需時日臣於撥解川餉二百萬內

暫行截留後起銀五十萬兩俟續撥陝餉到日  
如數解還歸欵

松筠又奏言臣接奉

諭旨令查奏明亮慶成永保遲誤情形查永保現在

郿縣孝義一帶慶成追賊已入甘省均距漢中

較遠連接額勒登保魁倫來信令將陝省南界

嚴加防守所有寧羌南鄭西鄉紫陽平利等處



邊境臣一面督飭提鎮道府鼓勵兵勇竭力堵

剿一面馳赴前途會同那彥成審辦永保等案

至張漢潮賊匪現據各路探報初十日竄至甘

省成縣西和交界之紙坊鎮明亮等躡蹤緊追

賊匪勢甚窮蹙甘省總兵索費英阿已帶兵隨

同追剿陞任臬司廣厚總兵吉蘭泰均由北面

堵禦臣前檄催帶領撒拉爾回兵之文武員弁

兼程前進現已行抵禮縣賊匪由紙坊鎮西奔  
正可迎頭攔截明亮等追賊已近可望迅速蕨  
事再遵奉

諭旨查明署遊擊關聖保在景家坪搶獲之礮並無  
字跡號數長約三尺而圍圓不過六寸若非賊  
營白鑄卽係川省鄉民防守寨落所造實非營  
汛之礮又查外委黨正在紫陽之烟壑埽打死



賊目苟姓其時苟文明正入西鄉高枝壩墮竄  
鐵溪河出通江之竹峪關相距尙遠緣賊之執  
旗者皆自稱爲元帥其打死者祇係賊中苟姓  
一小頭目均奏入

上命軍機大臣傳諭松筠曰商南縣訪拏首夥各逆  
犯前已據永保奏到今松筠飭令台斐音嚴密訊  
究按律定擬自應如此辦理該縣錢廷琛一經訪

聞卽帶領丁役將案犯首夥全行拏獲尙屬能事  
錢廷琛著交松筠以同知陞補至陝省餉銀將次  
用竣自不能不豫籌接濟松筠係素能實心辦事  
之人今爲軍需緊要起見奏請添撥卽使加倍撥  
往自能實用實銷原所不靳但國家經費有常且  
此時陝省張漢潮一股屢經官兵剿殺分路兜圍  
可期指日殲淨此外不過平利洧陽一帶尙有餘



匪奔竄亦不難卽時撲滅應需軍餉自屬無多著  
撥給銀一百萬兩當已足資接濟松筠惟當加意  
樽節妥爲籌辦至額勒登保現在帶兵剿賊正當  
喫緊之時往來川陝軍行無定其應需糧石松筠  
務須妥協經理源源接濟勿稍缺乏

同日

上命軍機大臣傳諭那彥成松筠曰昨據倭什布查

明胡齊嵩動用軍需案內將底賬進呈此內各路  
軍營任意提用及督撫等支取餽送者欸項纍纍  
實堪駭異夫軍需之設爲養兵以平賊平賊以安  
民今自剿辦賊匪以來部發帑銀多至七千餘萬  
而各省協濟銀兩尙不在此數如果實用實銷盡  
爲資給兵丁之費則兵精餉足士氣奮揚早應撲  
滅賊匪何至隨征兵丁衣服襤褸甚至以牛皮裹



足幾同乞丐經年累載迄無成功所謂平賊安民  
者安在是國家節年所發億萬帑金竟徒爲伊等  
欲法營私任情揮霍之用而於兵丁全不加體恤  
又何怪師老力疲士不用命耶現於底賬中查出  
承保名下提用及得受餽送銀共二萬六千五百  
餘兩較之各路爲數尤多又慶成節次收過銀三  
千九百餘兩又有軍裝銀一萬九千一百餘兩數

亦不少皆不可不切實根究現已將永保慶成家  
產查抄著將查出清單發交那彥成松筠按照各  
款會同嚴訊永保自帶兵以來種種遷延玩悞株  
守不動其罪已重而於軍需項下又濫行支用較  
他將更多其所支銀鏤銀牌等項是否局員實以  
銀鏤銀牌給與抑係永保以賞兵需用爲名支提  
銀兩到營自行打造此項銀鏤銀牌是否賞給兵



丁抑係借端肥橐現在永保處尙存銀牌銀鏢若

千慶成除得受餽送外其銀牌銀鏢亦係作何使

用有無侵扣存貯又軍裝一項用至一萬九千一

百餘兩是否實爲兵丁添補衣履弓箭等項抑係

借端濫支入已侵用以上各情節俱著嚴切究訊

取具確供一併歸案辦理計贓定罪毋得稍有不

實不盡

上又命軍機大臣傳諭魁倫曰現據倭什布查奏胡齊崙動用軍需底賬各路領兵大員均有得受餽

送及濫提銀兩之事是軍興以來所發億萬帑金

竟徒爲伊等交結侵肥任意花銷之用而於隨征

打仗兵丁全不知體恤以致師老力疲迄無成效

湖北支用軍需爲數尙少已有如此弊端何況川

省軍需不啻數倍於楚且胡齊崙祇係道員輒以



公帑作爲餽送又況從前川省辦理軍需之宜綿

英善及現在承辦之福寧等經手日久豈有不濫

行提用作爲餽送藉資結納之理且川省領兵大

員在楚旣經得受餽遺則於川省亦自必藉端需

索宜綿英善福寧等如何侵用及致送何人之處

不可不切實嚴究計此時廣興已到彼著傳諭

魁倫卽將福寧解任質審其糧餉事務卽交廣興

接辦聞福寧近日於支發軍需等項稍知畏懼不敢仍前浮濫但其從前之濫支濫用欸項自必不少今事已破露若能將伊任內曾經餽送何人及帶兵官員何人提用侵肥各欸及早自行供明呈出底賬並將宜綿英善從前在任時如何浮銷餽送之處亦將底賬和盤托出不稍徇隱則福寧之罪尚可寬其一綫倘經此番查詢尚敢飾詞含混



不肯據實供吐或將底賬燒燬福寧試思此事豈能始終瞞隱一經察出伊能當此重罪乎至額勒

登保現已授爲經畧大臣伊在川陝追剿賊匪往來無定倘額勒登保剿賊追入川境魁倫必須將糧石軍需源源接濟不可稍有遲誤現據額勒登保奏稱咨會魁倫帶兵前往巴州相機會剿魁倫竟可無庸前往惟當遵奉前旨駐紮達州審辦勒

保案情及查究福寧經手軍需賬目爲要卽或額  
勒登保有必當與魁倫商辦事件無難彼此札商  
帶兵殺賊自有各路領兵之員聽候額勒登保調  
遣魁倫自不必以剿賊爲急務也

上又命軍機大臣傳諭吳熊光日前由內務府發銀  
四十萬兩解赴豫省交吳熊光存貯藩庫以備撥  
用現在楚省各股賊匪俱經剿逼出境賊氛已淨



是楚省無須此項銀兩接濟而陝省現在需餉著  
吳熊光將前項存貯銀四十萬兩派員解赴陝省  
交松筠接收以備軍糈支用如前項銀兩尙未解  
交豫省藩庫吳熊光接奉此旨卽飭知解員徑行  
解赴陝省可也

二十六日辛巳廣厚奏言臣前因張漢潮竄擾鳳

縣廢邱關逼近甘境楊家店當卽帶兵起程行

抵阜角舖探聞賊匪由李家灣翻山竄至徽縣

境內臣卽督兵迎擊該匪知北面有備遂向西

竄至成縣黑峪河一帶經明亮帶兵痛剿遂竄

入祁家壩老林該處迤北牛尾溝係通西和秦

州之路最關緊要臣卽督兵馳往堵截甫抵溝

口遇見賊匪前隊數千人我兵向前剿殺賊匪

並不接戰仍翻越山嶺遁入老林僅擒獲活賊



熊逢義彭狗兒二名訊據供稱張漢潮因四面

俱有官兵十分情急欲從此奔竄秦州當將該

二犯正法詎賊匪於夜半乘大雨淋漓從深林

密箐中爬越馬家山梁竄赴徽縣之教場壩

臣

恐北擾秦州當從間道繞至岱門賊匪遂由秦

州之南駱駝巷向利橋逃逸晝夜窮奔總在二

百里內外官兵連夜緊躡賊卽由利橋仍竄陝

省鳳縣草涼驛吉蘭泰亦帶兵趕到臣等仍在

邊界分守堵遏以防折回明亮由寺合頭追至  
卽帶兵躡蹤前進查此次賊匪竄至徽成等處  
邊界共計旬日因追剿緊急所過村莊並不停  
留未經裹脅良民焚燒房屋前奉

諭旨令仿照湖北隨州修理堡寨業經松筠通飭出

示曉諭臣自駐守以來凡見鄉民紳士復加勸



論百姓甚爲踴躍修築頗多是以均將糧食豫

爲藏貯間有得信稍遲不過日食米麩被其搶

掠又牟家峽駱駝巷紅崖地各鄉勇於賊匪經

過時用鎗擊斃賊匪二三名不等臣面加獎賞

並勸令自行團練藉資保護至徽兩一帶收獲

較早秋禾俱已碾打百姓尙屬寧謐再撒拉爾

回兵韓四個等來營隨剿藍白兩號賊匪後又

幫同駐守數月昨該回兵等因離家日久秦徽  
一帶地方氣候潮熱多生疾病懇求回家查該  
回衆等前隨臣剿辦賊匪尙爲出力業蒙

聖恩賞給守備千總頂戴今旣呈請回家自應俯如

所請臣卽酌賞盤費並行知地方官照例給與

口糧派委幹練兵弁帶領回赴循化奏入

上命軍機大臣傳諭廣厚曰現在張逆股匪勢已窮



蹙其平利一帶竄聚之賊有慶溥等在  
彼截剿而

德楞泰又追躡辛聰張姓一股至陝看來陝省賊

匪亦可以次殲除著廣厚察探情形如張逆業已

就擒平利一帶竄匪又經剿淨其藍白二號匪徒

逃往川省後離甘已遠不致再慮闖入廣厚仍遵

前旨卽往西寧查辦青海番賊搶掠一案倘甘省

尚須防堵廣厚惟當在彼會同索費英阿吉蘭泰

實力守禦勿使各股賊匪再行折回又據奏撒拉  
爾回兵多有患病懇求回家一節撒拉爾回兵前  
請來營剿辦藍白兩號賊匪原爲保護桑梓今賊  
已他竄若令移赴陝省協剿伊等離家較遠自非  
所願今廣厚酌賞盤費派委弁兵帶領前回循化  
所辦甚是



上諭內閣曰從前畢沅身任湖廣總督不能實力整

頓貽誤地方以致教匪潛謀勾結乘間滋事畢沅

又不能督飭所屬迅速剿除迄今匪徒蔓延川陝

等省日久尙未撲滅皆由畢沅於教匪起事之初

辦理不善其罪甚重昨又據倭什布查奏胡齊崙

經手動用軍需底賬畢沅提用銀兩及餽送領兵

各大員銀數最多卽如永保解交刑部後畢沅寄

送銀兩又復幫助恒秀贖罪等事是畢沅既經貽  
譏地方復將軍需帑項任意濫支結交餽送飢法  
營私莫此爲甚若畢沅尚在必當重治其罪今雖  
已身故豈可復令其子孫仍任官職所有承襲畢  
沅輕車都尉世職之長孫畢蘭慶及承廕畢沅廕  
生之次子畢嵩珠俱著革去不准襲廕

二十七日

壬午

明亮恒瑞與肇奏言查天賜山郝



家壩廟兒垵等處前經臣明亮派兵嚴堵要隘

張逆不敢由三處折回率領殘敗餘孽翻越老

林竄過林內偏橋卽將襯木拆毀攔擋追趕之

兵副將多爾濟扎普等帶兵趕到令兵勇砍伐

樹木搭橋而過賊匪乘間已竄至清水溝維時

恒瑞督率總兵觀祥等在彼堵禦該匪突至官

兵鎗礮齊施擊斃賊匪數十名生擒賊匪汪昭

章等十四名該匪等仍入老林逃竄時已昏黑

雨緊霧天未便窮追黎明經<sub>臣</sub>等兩路派出兵

勇搜山擒獲朱學恒等十五名割獻自縊滾崖

首級二十顆訊據朱學恒供稱張逆等竄過偏

橋將橋拆毀乘追兵搭橋之暇逃至清水溝不

想又被官兵截殺仍潛入老林覓路欲從北面

晒經寺小路逃往秦州探知彼處已有官兵不



敢由小路行走遂從深林密箐中溜下山坡趁  
霧雨迷漫連夜偷過三渡水前竄餘無要供立  
將該犯等正法當此四面圍剿大好機會不想

張逆仍能潛逃上現今多爾濟扎普等帶領湖

南湖北甘涼官兵六百餘名緊躡賊蹤臣恒瑞

派觀祥帶領官兵七百餘名一同追剿臣明亮

興肇統領大兵由高橋太白埡入山追剿恒瑞

卷之三十一 卷之三十一  
三十一  
腎率官兵由徽兩小路繞出直至鳳縣迎截

臣

明亮行抵太渠探知賊匪已出甘境仍向紅花

舖草涼驛一帶奔逃臬司廣厚帶兵亦抵太渠

卽擇要駐紮防堵

臣

明亮趕至紅花舖接據恒

瑞來札知已趕抵鳳縣探得賊匪竄至安河遂

挑選壯兵六百餘名親身帶領從南星等處加

緊抄擊適接慶成來咨已由沔縣馳抵成縣探



知張逆折回亦星飛覓路前進相機協剿計算

程途臣已離賊匪二百餘里若亦出安河尾追

不但三路官兵俱落賊後且由安河山路至五

郎地方計程一千餘里若由寶雞大道沿山從

鄂縣蓋屋鄠縣等屬地方抄至子午峪入山不

過七百餘里且可顧住竄出近省數處要路臣

至子午峪趕抵江口如賊匪尚未到來則後有

多爾濟扎普等從山內緊躡恒瑞復抄截而至  
三路官兵夾擊自可集事設賊匪竄入五郎境

內查該處有前派鎮臣木騰額帶兵千餘名在  
彼一面剿辦小股賊匪一面堵禦張逆折回之

路鎮安有富成帶兵千餘名在彼堵禦山陽有  
鎮臣長春帶兵千餘名在彼堵禦商州有知州  
陳祁龍駒寨有署州同蓋方泌等各帶兵勇扼



要堵禦永保現在大山岔駐紮臣已札知督率

副將馬兆瑞等帶領兵勇嚴密防堵並囑轉飭

各路帶兵大員鼓勵兵勇留心堵禦確探賊蹤

實力協剿勿令張逆與小股合夥當此賊匪窮

極之際倘再使張逆漏網由何處逸出卽將該

處員弁嚴叅重懲再此次賊匪竄入甘境因臣

明亮與恒瑞兩路官兵緊躡剿殺無暇焚掠居

民幸免荼毒惟折回時沿途百姓遺存耕作騾  
馬數匹至數十匹不等均被擄去該匪經過太  
陽寺駱駝壩一帶又搶得騾馬百餘匹以致奔  
走捷便但甫經竄出不想又入我兵範圍之中  
自必剋日可期殲滅奏入

上命軍機大臣傳諭那彥成松筠曰明亮等剿辦張  
漢潮一股賊匪經年累載迄未孥獲屢次奏報惟



稱合圍夾擊全係虛詞前日據奏張漢潮六股賊  
衆經官兵殲滅千餘所剩無幾已分三路圍住山  
內斷不能再稽顯戮方以此股賊匪自可卽就殲  
除刻深懸盼乃本日據明亮等奏到則稱張漢潮  
又從深林密箐中溜下山坡偷渡前竄實出情理  
之外而摺中支吾掩飾累幅盈篇朕覽之生厭逐  
加批飭亦不勝其指摘實不知伊等是何心術肺

陽明亮屢次奏報軍情本多謊飾其上次所奏三  
面合圍之語想亦未必確實今將伊等前摺抄寄  
那彥成松筠閱看著卽將明亮等摺內所奏情節  
切實詳查如果明亮等前次奏報盡屬虛言則罪  
無可逃竟將明亮恒瑞興肇三人奏明革職拏問  
治以欺罔之罪倘張漢潮大股賊衆實經明亮等  
逼剿窮蹙業已分路兜圍則此次又何以縱令他



竄明亮恒瑞興肇圍剿賊匪自必不同在一處何

路係何人堵截明亮等自必各有一人專守其地

亦必有將領員弁等各行分布堵剿此次張漢潮

竄出之路係明亮等何人在彼堵禦不力縱令脫

逃且賊匪竄出時先過偏橋將橋拆毀始行逃逸

其事必非頃刻所能立辦何以一經逃竄明亮等

卽離賊有二百餘里之遠卽此可見伊三人並未

跟蹤追躡若云霧雨難以窮追豈有賊匪能逃而  
官兵獨不能追擊之理此伊等罪案著那彥成松  
筠查明張漢潮確係由明亮恒瑞興肇三人內何  
人堵剿之一路突圍而出卽將此一路縱賊之人  
及在彼帶兵之將弁等一面奏聞一面革職拏問  
但明亮等三人內恒瑞係那彥成妻父如此次張  
逆竄走之路係在恒瑞圍截之路那彥成不可因



係翁婿稍存偏護卸罪他人想那彥成亦斷不肯  
出此然亦不可因恒瑞係伊親戚意存避嫌獨於  
恒瑞有所苛刻惟當與松筠秉公嚴查據實辦理  
若明亮恒瑞興肇三人在彼俱各互相觀望不肯  
出力以致張逆得以乘間潛逃卽將伊三人一併  
奏明革職拏問那彥成審案卽日自可辦竣台布  
亦已有旨令其不必前往西寧所有張逆一股卽

著那彥成與台布會同接辦上緊追剿以期壁壘  
一新朕此次查辦明亮等三人之罪並非有意將  
從前帶兵大員盡行革退更換新手特因伊等負  
恩昧良以欺罔爲長技遷延歲月坐侵軍餉如不  
嚴加懲辦則賊匪何時始能蕩平且若再事姑容  
仍令伊等在彼帶兵不獨伊等無所做畏兼恐新  
派之人日久染其惡習且那彥成等本毫無過失



今委辦軍務如明亮之蒼滑性成豈肯聽其調度  
必致遇事掣肘並或爲其所累是以不得不加以  
懲辦而那彥成松筠台布皆爲

皇考擢用之軍機大臣亦並非朕藩邸故交驟加簡任  
之人以新聞舊也再昨據倭什布奏到胡齊崙動  
用軍需底賬如明亮恒瑞皆曾得受餽送銀兩現  
在祇將永保慶成鄂輝家產查抄而未經辦及明

亮恒瑞者原爲伊二人圍剿張漢潮已將得手望

其卽日奏捷是以稍從寬貸或可將功折罪若此

旨到日明亮恒瑞已能將張逆追剿擒獲掃盡餘

逆則伊二人之罪尚可寬其一綫倘竟任張逆他

竄仍前延玩則孽由自作更無可宥那彥成松筠

卽當遵旨將伊等一面拏問一面奏聞聽候核辦

上諭內閣曰明亮以叅贊大臣剿辦張漢潮一股賊



匪經年累月總無成效昨據奏報官兵痛加剿殺

張逆勢已窮蹙復經三面兜截不日即可殲除數

日以來正深盼望乃本日據明亮等奏稱張逆又

復潛逃而摺內聲敘之語種種支飾實屬軍營陋

習且當張漢潮勢窮力盡之餘不能上緊擒獲仍

致乘間脫逃明亮係此一路居首領兵之員其疎

縱之罪實無可追者革去叅贊大臣正紅旗漢軍

都統賞給副都統銜以觀後效

二十八日

癸未

上諭內閣曰昨據倭什布奏到胡齊嵩動用軍需底  
賤慶成永保俱經得受餽送銀兩因降旨將伊等  
家產查抄今據布彥達賚盛住等將抄出慶成永  
保家產開單呈覽本應照例入官但念慶成之曾  
祖孫思克曾於國初著有勛績爲本朝出力之臣



又有公主下嫁伊家而慶成之祖五福亦曾任御  
前侍衛始終勤慎今慶成雖因帶兵不力得受餽  
送獲罪但念伊前次打仗曾經受傷此次未能上  
緊殺賊較之永保之有心逗遛安坐貽誤者尚屬  
有間所有慶成住房一所及公主陪嫁坐落薊州  
等處地三十一頃六十畝零金冊一分俱著加恩  
賞還至慶成之父惟精並未獲咎其屋內什物亦

著全行給還其餘抄出房地金銀錢文衣物等項  
皆係軍需項下餽遺所得俱著交內務府等衙門  
照例辦理男婦人口發交該旗查辦至永保得受  
銀兩前據胡齊崙狡供畢沅送銀二千兩其餘六  
千兩係屬馬價今訊據永保家人伊昌阿等供稱  
永保在刑部監禁後有沈姓送到銀八千兩此內  
有畢沅幫銀二千兩胡齊崙送銀六千兩永保卽



令伊姪出名將銀三千兩買得住房一所其餘五千兩陸續用去是此項房屋係永保將收受餽送銀兩所買自應入官其餘查出祠堂祭田及伊子英志英華衣服什物俱著賞還

上命軍機大臣傳諭那彥成松筠曰據布彥達賚盛住等查抄慶成永保家產業經分別辦理因思永保前在湖北軍營獲罪解京後尚有得受餽遺之

事此次到陝未必無染指需索情弊著那彥成松  
筠向伊嚴切究訊有無藉端侵用及得受餽送之  
事務令據實供吐毋任飾詞狡賴

三十日

乙酉

上諭內閣曰前據倭什布奏到胡齊崙動用軍需底  
賬內鄂輝得受餽送銀兩因降旨將伊家產查抄  
今據傅森恭阿拉等將抄出鄂輝家產開單呈覽



本應全數入官並查革世職惟念鄂輝所得世襲男爵係在湖南軍營擒獲首逆加恩賞給其所受餽送銀兩係在湖北之事所有前賞鄂輝男爵仍加恩著伊長子鄂彌善照舊承襲其次子少子所捐官職亦不必斥革鄂輝從前得受此項銀兩明知出自軍需因有人餽送徯爲不知竟收受至四千餘兩之多如鄂輝尚在必當計贓治罪今已身

故免其深究所有房屋田地等項俱著加恩賞還  
伊子鄂彌善等其銀錢朝珠玉器衣服等項自應  
入官著交該衙門照例辦理至伊子鄂彌善等衣  
服物件著傅森等分晰查明賞還

臣等謹案川楚陝用兵以來請撥

帑藏不啻萬萬計蓋由重山複嶺之中師徒輾轉  
追奔供億不無溢額而帶兵大員濫支濫應



實所不免蒙

皇上嚴行戒飭

遴派大臣盡心鈎稽大加撙節此次因查出胡齊崙  
侵扣軍需一案復

諭令將得受餽送各員確切根究於是各路咸知儆  
畏節費恤兵軍紀整肅以成鉅功至慶成永  
保鄂輝家產仰蒙

聖慈體恤分別發還是於懲創之中默寓

矜全之意凡屬臣工具有天良疇不感服奮興哉



欽定剿平三省邪匪方略正編卷一百二十四

巳未  
年

十月初一日

丙戌

魁倫奏言

臣

於九月初九日抵

達州軍營遵

旨將勒保革職拏問並將

指出各情節嚴切訊詰據勒保所供各款均有片日

稿案可查當卽提取原卷覆核無異復據勒保

呈出額勒登保德楞泰等各處原書謹一併封

固同勒保供詞進呈至支發餉銀查勒保自嘉

慶二年十一月到川至本年八月止共用過軍

需銀二百六十餘萬兩現據經手糧員稟呈收

發數目逐款皆有細數勒保於所帶兵丁餉銀

均係按名給領并不時另有賞卹詢之兵丁等

供亦相符是勒保於發給軍需尙無不均之處

該兵丁等衣履不周實因隨征日久鹽糧僅敷



日食無力添補勒保會日擊該兵丁等衣履破爛情形於本年四月間奏請在軍需項下動支製給經部核覆查照湖南成案准令照數借支一次現已製補完備勒保實未嘗有所愛憎再查勒保自統兵剿賊以來所有賞號俱在糧務處提取銀兩統計共提用過銀四萬八千餘兩現在該管糧務處呈出簿據俱有勒保親書花

押逐日登記此項銀兩據稱先經奏准照巴勒

布廓爾喀成案在川省鹽茶存公息項下支撥

歸欵又福寧前奏川省竄匪有增無減勒保則

稱有減無增彼此不符查川省賊匪初只有王

三槐徐添德羅其清冉文儔等著名數大股後

有姚之富高均德樊人傑張漢潮張添倫等股

自楚陝竄入又有藍號白號等股自甘省竄入



當時每股賊衆實有二三萬人及數千人不等  
節次剝戮後并奉

恩旨脅從罔治因而解散者已不下三四萬人現在  
賊匪人數實屬較前大減而或四五千入爲一  
股或一二千人爲一股甚至數百人數十人各  
爲一股此等人數卽係從前各股中分出亦有  
隨時逼脅者然隨裹隨散忽合忽分實無定數

福寧所奏因新添賊股姓名多于從前是以指  
爲有增無減而勒保所云有減無增是通核賊  
衆大數伊二人同駐達州本無不和聞福寧奏  
奏德楞泰正二兩月撥過餉銀二十萬兩

諭令勒保查奏彼時勒保摺內有福寧籌辦軍需失  
之太緊又恐領兵各員退有後言遂爾形之奏  
贖欲爲預佔地步并稱其前奏原屬含糊迨奉



飭查不得不將截長補短之處據實具奏以致自相  
矛盾殊非覈實辦公之道等語因此二人形跡  
頗覺齟齬實無通同舞弊之事又查達州爲糧  
餉重地賊匪固不敢逼近大營而附近數十里  
地方間有零賊竄入勒保隨時派撥官兵往剿  
是此半年中勒保雖未親歷行陣而辦理文檄  
調遣兵將亦非一無所事惟是軍營人員營私

交結臣亦向有所聞勒保身握重權難保無屬

員黃緣餽送且軍需項下勒保用過銀二百六

十餘萬之多雖據經手之員收發俱有細數亦

難保無浮冒侵漁情弊查勒保先于七月間有

懇請

節派親信大臣來川細加查察之奏是以臣此次來

川勒保與福寧等皆已知臣有查辦事件所有



軍營人員不特不肯自行吐露卽所呈軍需支

發各賬亦難信其無預先抽換捏造之弊卽如

勒保所用日食物件均由糧員買辦逐日開送

草單逐月結算總賬於支取應得養廉時給發

糧員承領現扣至九月初八日除給還外勒保

尙餘應支養廉銀一千五百餘兩似此毫無罅

漏安知非預爲佈置一時實不能得其底裏若

僅據勒保現在所供情節則各款均有文卷確  
鑿可憑無以核其罪案是以不敢輕率會擬惟  
將現在訊取供詞及

飭查各件情形先行奏

聞容

臣

再設法嚴密察訪務期得有一件確據即可

從此研訊亦可折服其心明正其罪再福寧前  
與勒保會銜請撥餉銀五百萬兩查閱奏稿實



係二人會銜畫押隨經面詢福寧據稱彼時請  
餉五百萬原是商量會奏至後次摺內所稱軍  
糈充裕是指兵米充裕非指餉銀而言又

臣經

過陝省時明亮慶成永保俱已帶兵分投剿賊

並未會面伊三人意見不和

臣

亦頗有所聞迨

行抵沔縣見城外大路有曾紫管盤地址

臣

細

加訪問據該縣稱上年賊匪竄至時明將軍帶

兵追到縣城賊匪由青草驛一路奔竄明將軍  
未經追趕在此駐紮五日方移營進剿所帶兵  
丁甚不安靜居民被擾殊有怨言卽此一節明  
亮逗遛觀望不能約束兵丁已可概見

臣

抵川

後復聞勒保會向明亮查詢所帶兵數明亮不  
行咨送昨審訊勒保時問及有無是事據勒保  
稱我會通查各路兵數明亮一路只將總單開



送並未將官兵細數造冊咨送亦不將軍情隨時咨報俱於奏後始將摺稿送來是其輕視勒保不服調度亦誠何之其欲詔張漢潮杜陝以爲藉口追剿免赴川省聽勒保調度之處臣亦頗有所聞而不能得有實據至提用餉銀及有無得受福寧餽送之事此時軍需事件正在訪查尙未得有端緒容俟查明再行具奏奏入

上命軍機大臣傳諭魁倫曰據奏勒保發給軍餉尙

無不均若果能體恤兵丁均勻發給何至該兵丁

等衣履不周牛皮裹足日形疲乏勒保平日往往

厚待親隨而于耳目所不及之人卽心存膜視以

致資糧缺乏人不用命否則軍士飽騰何至經年

累載尙未蕆事耶又勒保一路賞號俱在糧務處

提取共提過銀四萬八千餘兩現經呈出簿據俱



係勒保親書花押此亦殊不足信魁倫奉旨查辦

軍營提用銀兩勒保等自早有所聞知豈有不將

欸項簿據預爲抽換彌縫無弊且軍需項下勒保

用過銀二百餘萬之多焉保其別無浮冒侵漁情

弊卽如湖北胡齊崙經手軍需帶兵大員任意提

用並查出餽送各欸甚多則川省銀兩以爲勒保

皆係實用實銷其誰信之現據查詢勒保日用食

物俱于應得養廉給發尙餘養廉一千五百兩未  
經支取若果如所言則勒保竟係清操毫無染指  
其彌縫裝點更難憑信又據勒保供每次發報俱  
有各路打仗情形七月十二日接到倭什布咨報  
賊竄入楚因距初九發摺之期祇隔兩日是以未  
經卽時具奏又軍營逐日俱有文稟若逐件發摺  
未免徒煩聖心尤不成話朕現當親政之初勵精



求治內而部務旗務外而各省奏摺無不卽時批  
閱惟嫌其少從不厭多何況于緊要軍情豈有以  
頻數奏報爲煩之理乃勒保身爲經畧旣接據倭  
什布咨報李淑等大股賊匪竄入楚境其事甚關  
緊要而輒以相距發報之期祇隔兩日不復卽日  
具奏轉以徒煩聖心爲言支吾狡辯尤屬顯然至  
所稱倭什布前奏竄楚賊匪有二萬餘人之語本

屬不實此事係倭什布張大其詞朕原深悉前此  
倭什布曾經具奏於各要隘分布嚴防至爲周密  
旋又被賊匪竄入楚境未免虛增賊數以卸其踈  
防之罪否則倭什布一路兵力有限以二萬之賊  
匪有何畏懼而卽望風膽落仍行折竄出境耶又  
據供滿兵不甚得力所以均令歸留開縣防堵交  
與訥音管領去年六月間曾查得該兵丁等不以



防守爲事在城內占住民屋茶房酒肆不時歌唱  
喧鬧訥音不能約束又前次賊匪竄入祖師觀時

當令訥音帶兵堵禦離城僅六十里直至次日始  
行趕到等語滿洲兵丁如果不能得力勒保何以  
並不早奏甚至有喧鬧生事情節勒保自當嚴切  
查明將不法兵丁按律正法一二人方足以肅戎  
行而申軍紀何得漫無管束又不叅辦惟以撤令

回京了事耶且訥音管領滿洲兵丁旣任驕惰滋事而派令堵禦以六十里程途兩日始行趕到勒保彼時卽應據實叅奏聽候核辦乃隱忍于前並不舉劾此時訥音已派往喀喇沙爾辦事又能治以事後之罪乎再據供稱前次許文謨等所帶兵勇有八千餘名較之額勒登保德楞泰兩路兵數尙多所以未經另行派兵補數許文謨所帶兵勇



雖視額勒登保等爲多但額勒登保德楞素兵數  
雖少屢能打仗得勝而許文誥一路則被賊侵凌  
致總兵德齡爲賊戕害豈得以其兵數不少卽不  
另派兵將接濟乎總之勒保自任經畧以後惟知  
安坐軍營株守不動其罪已無可諉而於川陝楚  
各路軍情不過接據稟報畧爲派撥伊卽自以爲  
居中調度試思各股賊匪似此往來奔竄勒保漫

無籌畫一任鴟張所謂調度者安在又明亮不服

伊調度甚至查詢所帶兵數不行咨送而軍情亦

不隨時咨報勒保何難據實劾叅又恒瑞將專剿

藍號賊匪棄置回陝勒保亦未及早叅奏此皆勒

保之罪以上各情節仍着魁倫向勒保嚴切訊詰

無任稍有狡展至所奏詢問福寧據稱彼時請餉

五百萬原與勒保商量會奏後次摺內所言軍需



充裕是指兵米而言軍糈餉項同係一事乃福寧分而爲二顯係支吾粉飾若餉銀果有不足又將何物買辦米糧魁倫勿輕信其言也

上又命軍機大臣傳諭那彥成曰據魁倫奏行抵沔縣時訪聞上年賊匪至彼明亮帶兵追剿賊匪由青草驛一路奔竄明亮未經追趕在彼駐劄五日所帶兵丁甚不安靜明亮於剿辦張漢潮一股賊

匪經年累月尙未辦竣前據伊奏稱已將賊匪三

面圍住斷難再稽顯戮乃續據奏報賊匪又乘霧

雨逃遁其縱賊之罪已無可諉業經諭令那彥成

據實查辦今據魁倫訪出各情節則明亮逗遛觀

望又不能約束兵丁更難逃罪前那彥成在京時

每奏及慶成承保罪狀而於明亮則以爲尙可任

用那彥成之意不過以明亮久經行陣於軍務情



形自爲熟悉若似此積慣蒼滑轉不如未經歷練  
之人尙無結習且恐新派將領相率效尤于事何  
益况現據魁倫奏明亮輕視勒保不服調度明亮  
係曾與阿桂溫福同事之人其意自以勒保係屬  
晚輩故不肯受其節制而那彥成係阿桂之孫明  
亮更必心存輕忽焉肯爲那彥成所用適足掣肘  
那彥成竟當遵照節降諭旨嚴查明亮罪蹟據實

叅奏又魁倫詢據勒保供稱恒瑞棄藍號之賊徑

回陝西協剿張漢潮恒瑞係專剿藍號賊匪之人

何以棄垂成之近功追未定之遠賊軍務機宜移

步換形朕從不爲遙制卽有隨時指示之處亦當

斟酌緩急隨機應變乃恒瑞猶以遵旨回陝爲詞

尤非情理那彥成惟當秉公嚴查如有避賊情節

卽一併據實叅奏朕因軍務未竣日夜焦勞且數



年來軍需糜費帑項實屬不貲現在又撥餉銀一  
百萬兩解陝應用那彥成係軍機大臣又管理三  
庫事務于朕之盼望捷報及國用度支豈尙不能  
深悉此時三秋又過已屆孟冬那彥成惟當激勵  
將弁一洗從前疲玩積習先將張漢潮一股殲除  
淨盡廓清陝境迅奏捷音方爲不負委任

初二日

丁亥

德楞泰奏言竊

臣

于九月十二日趕

至平利之平溪河地方探得張添倫等餘匪不

過千餘人由八仙河竄赴紫陽之麻柳壩一帶

宋慶子等餘匪不過數百人由毛壩翻山竄入

太平之黃墩一帶卽應趕追前進適據哨探並

本處土人稟報附近之文彩溝謝家灣洪家營

乾坪等處有由白河竄來高家營大股賊匪人

衆萬餘勢極兇悍分投焚掠查文彩溝謝家灣



距鎮坪甚近而鎮坪左通竹谿之風溪右通六  
寧之徐家壩又據逃出難民供稱此處賊匪先  
已竄至白河等處經陝省兵勇截回現欲入楚  
伏思楚境甫經肅清三省勁旅現尙未到倘經  
竄入所關非細且張添倫等股勢已窮蹙斷不  
能復折入楚臣酌量緩急情形應將高家營賊  
匪截剿勿使復入楚疆較爲緊要十三日由平

溪河跣得捷徑星夜趕回鎮坪爲迎頭截擊之

舉旋由紅河溪馬鞍山一帶迎住賊頭十六日

五鼓帶兵由石滓河大廟前進正值賊匪移營

而來該逆一見官兵卽上山包踞險抗拒臣當

令賽冲阿穆克登阿等帶馬步兵勇由左手而

進令阿穆勒塔扎勒杭阿等帶馬步官兵由中

衝擊臣督同溫春達勒精阿等由右手順河前



進該匪膽敢在山吶喊搖旗施放鎗礮衝撲下  
壓三路官兵奮勇直前鎗箭齊發立殺賊匪一

百五六十名鎗斃騎馬賊目一名逆衆始行慌

亂臣等乘勢攻撲搶上山包賊遂敗向玗璫溝

撲河過八百溪而逃因連日陰雨河水漲發亂  
石急溜官兵馬隊淌渡緊追賊衆愈加潰亂殺  
斃及淹沒者約有百餘名兵勇拽馬尾而過亦

被淹五六名賊衆見馬步官兵蜂擁過河奔上

東山路徑稍陡兵勇搶上賊復下壓官兵力敵

仰攻斃賊十數名左邊溝內忽有賊匪二百餘

人突出經馬隊進溝衝殺賊俱上東山梁而去

遠望山高二十餘里山頂林木箐密臣親率將

弁兵勇直上步步進逼將至半山平坡處聚賊

二千餘人飛石如雨我兵巍然不動有騎馬賊



目往來指揮賊衆下壓四次當卽令吉林索倫  
各兵下馬身藏馬後箭射鎗擊共殺賊五六十

名並將騎馬賊目擊倒衆皆敗竄官兵乘勝搶

上平坡馬步疾馳追入老林賊匪鎗礮刀子牛

驢馱鍋帳衣物棄填滿道馬不能前

臣

一面派

兵收拾一面先帶步兵緊追直至鎮溝已及二

更該匪連夜由魚洞子老鴉坂華龍山逃走前

卷之四  
途樹林茂鬱路逕難辨祇可露處暫整兵馬沿

途又殺賊四百餘名生擒石在洪黃李氏等男

婦四百七十八名口所得鎗礮烏鎗旗幟驟馬

無數訊據擒獲賊目楊遠華王兆鳳等僉供此

股賊匪稱爲高家營逆首大掌櫃高二卽高成

工係高均德之堂兄總元帥馬五卽馬朝禮又

有三個僞元帥是曹名魁賈世祿王臨高分黃



白藍三色旗號輪流前走打仗男婦約有萬餘人戰手不過四五千前到白河被兵截回探得

川省大兵已將張添倫等賊匪追過川境要由

文彩溝馬鞍山到鎮坪過風溪前往湖北地方

不想遇着官兵迎頭截剿殺死被擒者甚多今

日半山坡上是藍號元帥曹名魁帶領三千戰

手堵禦因帶鎗傷敗走隨將該二犯嚮割梟示

其所獲匪犯內有臉上各刺黃白藍一字者有  
刺自來投營四字者訊明均係附近州縣甫經  
被擄難民余漢卿黃李氏等三百四十三名口  
俱已照例給發銀米路票令其回籍真正教匪  
石在洪及被擄日久殺人焚掠之江文高等一

百三十五名槩行正法

臣

於十七日卽跟躡賊

蹤由老鴉坂翻華龍山太平橋進追該逆至緞



子坪又遇卡隘鄉勇首把總王英率眾截剿擒  
殺甚多該匪等遂由左手旁竄礮溪溝翻老林

而遁臣恐其繞出北面當令王英帶領鄉勇二

千名尾追臣由江西街霸王廟直至八仙河截

其北竄之路十九日趕至油榨坪追殺賊匪二

百餘名擒獲劉登福楊劉氏等一百七十六名

賊卽竄入老林翻界嶺過兩扇門逃入川境太

平界內所獲各匪亦已訊明除難民余學魁等

一百零五名照例省釋其劉登福等七十一名

實係逆匪亦卽正法此時殘匪不過三四千人

馬騾數十匹頭由南溪老鴉口一帶逃竄

臣

趕

緊入川剿辦務期盡絕根株至連日打仗外委

胡貴陣亡王福受有矛傷其餘傷亡不過兵勇

數名另行查明咨部奏入



上命軍機大臣傳諭德楞泰曰德楞泰本係追剿辛  
聰張添倫一股賊匪入陝由平利而至紫陽又因  
高家營一股數有萬餘德楞泰復捨張添倫宋慶  
子等餘匪專剿此股賊衆追躡入川以見其捨易  
就難現在平利業經肅清所辦固好但張添倫等  
在紫陽游奕德楞泰並未派人在彼搜捕將伊統  
領之鎮將等一併帶往川省豈有任賊匪自斃之

理現在德楞泰旣入川境若不能速將高家營一

股殲除致令與川匪合夥德楞泰豈竟隨同川省

帶兵各員剿辦遂謂了事耶卽摺內所叙打仗殺

賊雖極意鋪張而受傷陣亡者有外委二人陣亡

淹斃兵勇共十數名看此情形並非奮力鏖戰所

奏恐不確實德楞泰不免又蹈軍營粉飾積習此

時高家營一股及宋魔子俱在太平德楞泰趁此



一併剿辦不可再有怠玩已降旨諭令額勒登保  
酌派鎮將前赴太平一帶協助更可得力所有陣  
亡之外委胡貴着咨部賜卹

上又命軍機大臣傳諭額勒登保曰德楞泰本係追  
剿辛聰張添倫一股賊匪入陝至平利地方探得  
張添倫等由八仙河竄赴紫陽之麻柳壩德楞泰  
已卽趕赴紫陽彼時聞有宋慶子等餘匪竄入太

平德楞泰又欲捨張添倫等而專趕宋慶子餘匪  
適據哨探及本處土人稟報附近之文彩溝等處  
有高家營大股賊匪人數萬餘勢極克悍德楞泰  
復又趕回鎮坪截擊賊匪上山據險經德楞泰督  
率官兵攻撲該匪敗竄老林逃至川境太平界內  
德楞泰於九月二十日追入川境閱其所奏情節  
德楞泰不過欲見其捨易就難不分畛域但張添



倫一股尙在紫陽屯聚德楞泰卽不能兼顧亦應  
於伊統領之侍衛將弁內分出一二人帶兵在彼  
搜剿乃竟將賽冲阿穆克登阿等一併帶往入川  
置張添倫等股于不問旣以專剿高家營爲事而  
入川後又不能將高成工馬朝禮等擒獲致令與  
川省各股賊匪合夥德楞泰更復何所藉口耶况  
張添倫宋慶子等餘匪現雖不過千餘及數百人

而無官兵剿辦任其在紫陽一帶肆擾必致裹脅日多或又添成大股即使該匪爲數無多亦無俟其自斃之理現在王文雄柯藩慶溥温承惠等俱在平利紫陽洵陽白河一帶防堵何以德楞泰摺內並未提及一字着額勒登保遵照諭旨內指出之處確查具奏所有張添倫等餘匪著王文雄柯藩慶溥等就近剿辦勿令南入川界東竄楚境又



致蔓延其宋魔子等餘匪既竄至太平而高家營  
一股賊匪亦逃往該處德楞泰更可一併截擊並  
着額勒登保酌派鎮將速行前往協剿以清此股  
餘孽